

Донецк бассейна зöөр

АРТЕМОВСК (Сталинск область), декабри 12. (ТАСС). Донбассин геологсд декабрь сар ик гидг темдгтá сар болв. орн-нутгин ик гидг горнопромышленн эн районд геологическ цэрглгъ бүрлáснáс нааран 30 джилин öөн болв. 30 джилин эргцд советк геологс, шин сáн техник олзлад, цугсоюзин кочегаркин зööрин туск медрлиг зöвэр икэр öргджүлв, Донбассин меджáнь кесг зун километрт икдүлгдв. Тиигáд Западн Донбасс гидж ода нерáдгддг шин районд сүл джилмүдт 120 шин шахтс секдж болм дуньгá бáарн олдж илдкгдв. Хар металлургин гол болгч-- Сталино Жданово хойр балгьсна хоорнд бáах теегт, Южн Донбассд кесг миллиард тонн коксующ нүүрстá ормс хáадж олгдв. Нүүрсн—барун-

ар үзгүр—Черниговин район күртл, дорд-öмн үзгт Салин тег күртл, дорд үзгт Сталинградин эргн күртл бáахиг геологс хáадж олв. Донбассин нүүрс гаргъдж авлгън зогслуга öсдж йовхла хамдан, бас ода көдлджáх предприятьсла äдл күчтá шин предприятьс тосхдж болм көрнъ белдгдв. Геологсин шунмгъа орцлгътагъар, Советк йосна джилмүдт орн-нутгин эдл-ахуд, нүүрснáс талдан бас Донбассин газрт бáах минеральн кесг зүсн сырье гаргъдж öггдв. Ик гидг известняк, болонит, галд хатугъар болгъгддг моньгъл шавр бáахинь, гипс, каменн давсн, мергел, нань чигн промышленностьд кергтá олн-зүсн сырье бáахинь шинджлдж öггдв. Донбасс газ болн нефть бáахиг хáахэр геологс белдвр кеджáцхáнá.